

少年叢書



納爾遜

商務印書館發行

少年叢書
訥爾遜

第一章 緒論

「出師未捷身先死。長使英雄淚滿襟。」此失敗之英雄語也。雖然英雄本無失敗成功之別。但觀其所建之事業。所抱之志趣。所歷之境遇。有英雄之價值。便可稱爲英雄。其失敗與成功。不足論也。故學英雄者。亦但學其英雄而已。不可棄失敗之英雄。而重成功之英雄。

且自古爲英雄者。亦斷無豫計成敗之理。倘豫計成敗。則成功之英雄。誰不樂爲。人樂爲。則英雄不貴矣。故英雄者。希望成功則有之。若謂英雄皆有豫計成功之心。則倘遇時勢之不順。未必有成功之望者。豈遂裹足不前乎。然則揣英雄之心。不過希望成功。而不懼失敗而已。

讀失敗英雄之傳。而使人悲。讀成功英雄之傳。而使人喜。讀失敗英雄之傳。而使人起敬。讀成功英雄之傳。而使人起慕。若夫又失敗。又成功。使讀者忽而可悲。忽而可

喜忽而起敬。忽而起慕。論其個人之利害。則百戰而死。論其事業之偉大。則上足以張國家之威。經百年而不衰。下足以傳其名譽。更萬代而猶不朽。一國人崇拜之。世界之人亦莫不崇拜之。此其人不特一國所罕有。卽世界亦罕有之。不特今日所罕有。卽數千年以來亦不多見。吾於古今中外得一人焉。卽英國海軍將軍訥爾遜。是少年人讀英雄傳。最喜戰爭之英雄。訥爾遜者。卽世界戰史上最大之人物也。

第二章 訥爾遜幼年時代

黃沙蔽野。鐵騎若風。白浪滔天。彈丸如雨。或陸戰。或海戰。此爲國家所難免之事。蓋戰爭爲國家之生命。欲存國家之生命。則不可無戰爭。而英雄之生涯亦大半在於戰爭之裏。

肝膽照日月。叱咤生風雲。此等英雄。雖不能百年長生。而今日讀其歷史。猶如聞其聲。而見其人。嗚呼。英雄雖死。其功業與名譽實不死者也。

距今百年前。有一空前之大海戰。當礮火滿天。彈花濺肉。鮮血淋漓。氣息奄奄之間。尙呼曰。「叩謝蒼天。余爲國家殉。」嗚呼。是卽海軍大將訥爾遜臨終之言也。

飲露殄霜。櫛風沐雨。常爲礮聲驚破其酣夢者。訥爾遜海上之生涯也。嗚呼。彼爲國家犧牲。雖經百戰受萬創。而毫無懼色。英雄氣概。至今猶可想見。

西歷一千七百數十年之間。

約當我乾隆嘉慶之時

法國有一大英雄名拿坡侖者。欲藉其兵

力吞滅歐洲全境。各國合力與戰不能勝。不得已皆俯首帖耳。降伏於彼之膝下。獨英國不服其威力。且屢困之。遂使絕世英雄。不得張勢力於歐洲大陸之外。當時英國艦隊之指揮官。卽訥爾遜也。連戰二次。悉碎敵艦。當年之英雄。實一千七百五十八年。

乾隆十三年

九月二十九日。在英國某州某村揚呱呱之聲者也。

訥爾遜父名歐特曼。爲美國某州教徒。母名薩克林。薩克林之兄。爲海軍將官。當訥爾遜九歲時。薩克林因病逝世。其兄以薩克林不及見子成立而卒。心甚憐之。因訪歐特曼。謂欲攜訥爾遜歸。自任其教育。以慰薩克林之心。時訥爾遜尙肄業於小學校也。

日月易逝。轉眼三年。訥爾遜十二歲矣。冬期休假。自學校歸。見新聞紙上。載有其舅氏將爲某軍艦之艦長。此艦有六十四門大礮。訥爾遜讀新聞既罷。志意慨然。遂起。

願爲海軍軍人之思。因請於其父。願隨舅氏偕往。且自誓曰。「兒已決心。欲爲海軍軍人。雖處極不利益之地。亦必不肯中途而變志。」父許之。乃告其舅氏。令攜訥爾遜同赴軍艦。觀英雄如觀生龍焉。海天蒼茫之裏。忽現一鱗一爪。人可想像其爲龍也。而英雄幼年一二遺事。實與龍之一鱗一爪出沒於雲霧間者無異。故欲觀英雄之全體。先觀其少年時一二遺事。即可知其不凡矣。訥爾遜幼時。一日隨一牧童遊於野外。日中忘返。家人慮訥爾遜失道。急出尋之。見訥



雪中赴校

爾遜坐於河岸。談笑自若。無憂懼之色。及歸家。其祖母問之曰。兒獨不因恐懼飢餓而思家乎。訥爾遜聞而大疑。特問其祖母曰。恐懼乎。小子實不知恐懼爲何物也。某年冬日。訥爾遜從其兄往學校。至中途。忽遇大雪。訥爾遜遂與其兄同歸。其父告之曰。兒若因大雪不便於行路。不得已而歸可也。若因大雪而生退沮之念。不可也。凡人生不論執何業。均可隨其志向。惟進取與卻步。與名譽有關係耳。其兄聞父之言。猶難於行。一代英雄之訥爾遜。一聞父訓。奮然語其兄曰。吾與兄不可不行矣。到校與否。非與吾輩名譽有關係乎。乃背其書囊。冒風雪而去。雪消冬盡。春色西來。一日早晨。訥爾遜方起。立於晨光熹微之中。眺望景色。有使者自其父處來。命訥爾遜隨舅氏登六十四門大礮之軍艦。訥爾遜既得父命。遂與數年間遊戲之伴侶。學問之朋友。親愛之兄。告別登軍艦。英國海軍開幕。卽在此十二齡之兒童。

批評

拿破崙嘗言。難之一字。法國字典中無之。而訥爾遜幼時。卽不知恐懼爲何物。


可見欲爲英雄。都要從不畏難。不恐懼。做起。孔子言。勇者不懼。佛氏言。無有恐怖。正是此意。

今人都是有志氣。想做事。到後來。弄得個個不成才。也都是像這半路遇雪。逃回的樣子。訥爾遜幼時。也不免有此醜態。但他一聞父訓。便能鼓勇前進。無些子遲疑。今人餒了志氣。只是再鼓不起。但差一着。便輸了一個英雄。可憐。可惜。

第三章 初航海

好逸惡勞。此庸人之性癖也。而英雄則喜勞而惡逸。當訥爾遜在其舅軍艦時。適值國家無事。軍艦泊於港灣。絕世英雄之訥爾遜。不能耐其逸也。乃請於其舅。欲投北極探海之遠征隊中。遠征隊冒險涉北海。有堅冰破船之患。故非老於航海者。咸不得充遠征隊軍人。訥爾遜乃藉其舅之介紹。得列於某軍麾下。爲某艦之舵手。千七百七十三年。訥爾遜隨遠征隊出帆。向北海進發。到第三日。艦隊被結冰圍困。不能進。各艦乃以鐵錨鑿冰。力開航路。向西北方行。是時海上堅冰一望無際。氣候嚴寒。北風如刀。遠征艦隊殆將失破冰出海之機會矣。

北海多海馬。其狀類人。恆出沒於層冰之上。一日有艦隊兵官。在小艇上。見海馬。發礮擊之。海馬負傷。躍入海。招其伴侶。圖報復。俄見有無數海馬。圍小艇。且啣其棹。小艇幾爲所覆。遠征艦隊長。下令遣數艇。救助之。而令訥爾遜爲救助艇之指揮官。訥爾遜受令下艇。率其所部。列陣圍擊。彈出冰碎。但聞礮聲。與冰聲相擊。轟響絕。巨海馬之血。濺於冰上。如着色玻璃。漂流於數里之內。於是海馬皆遁去。訥爾遜解圍報捷。而歸本艦。嗚呼。不意以碎盡法國聯合艦隊之英雄。而先以此無數海馬爲其試威之機會。海馬有知。當以見敗於英雄爲榮幸矣。



馬

海

遠征艦隊正航行間。忽遇大霧。隊長下令停輪。時海霧滿目。咫尺不辨。訥爾遜忽思出獵。乃荷槍偕一友人踏冰而去。道遇一巨熊。直撲訥爾遜。訥爾遜急發槍。槍管忽破。藥彈亦盡。是時艦長因不知訥爾遜所在。遣人尋之。尋者遙見訥爾遜面熊而立。意態甚靜。俄又驚見訥爾遜。槍管已壞。發射不能聲。熊欺訥爾遜思越坑而進。其友人驚怖。不知所措。訥爾遜猶屹立不動。呼曰。爾勿恐。熊來吾猶能持槍柄擊熊也。艦長在船上遙見訥爾遜將爲熊所襲。急命發礮。於是熊乃逸去。訥爾遜荷廢槍徐徐而歸。艦長問訥爾遜何所欲。乃作此冒險之舉。訥爾遜應曰。余見熊而念及吾父。思獻此巨熊之皮於我父。故欲得熊也。



熊

白

遠征艦隊自北海歸。訥爾遜復投某艦。航行東印度。以勤於職務。遂漸升爲海軍候補少尉。印度氣候酷熱。訥爾遜在印十八月。中暑大病。遂歸英國。

訥爾遜自印度歸。病體日就羸弱。自思功業未成。而精神日不自振。英雄絕大之希望。恐不得達矣。不如蹈海而死。繼又思。吾父昔日訓我之言。吾今日若以一病之故。不自振作。豈非又生卻步之想乎。念及此。不覺面熱汗下。精神爲之一奮。

訥爾遜病既愈。爲某艦副官。副官當受海軍考驗。訥爾遜以優等及第。因轉任



印度之風景



印度之土人

爲某艦第二副官。千七百七十八年。又轉任
 爲雙檣艦之指令官。時訥爾遜僅二十歲也。
 已而復受命遠征西班牙之領土。西班牙領
 土氣候極惡。遠征隊千八百人。病死過半。一
 日訥爾遜臥於野際。有巨蛇盤繞其足下。張
 口欲噬之。適一印度人行過其側。急呼訥爾
 遜。訥爾遜驚醒。見巨蛇之首已將近腹。一躍
 而起。蛇見訥爾遜若驚其神威者。乃遁去。
 又一日。訥爾遜道行。渴甚。掬河水而飲。時水
 之上流。適有毒樹之葉。爲風所吹。漂墜水面。
 訥爾遜既飲毒水。忽覺腹痛。急召醫生來驗。
 知已中毒。於是感病甚劇。醫生勸訥爾遜急
 歸英國。訥爾遜忿然曰。西班牙領土之氣候。

能殺遠征隊千數百人而不能殺我巨蛇垂首及腹猶不敢犯北海之海馬與熊想其至今猶悸我也平生經險已屢奈何以飲毒故罷吾遠征訥爾遜雖爲壯言然病已日困不得已乃歸英國

歸三月訥爾遜病愈爲二十八礮門艦之指令官巡行於丹麥海岸考其形勢甚悉將來海軍之勝利大半得力於此

訥爾遜巡行至某地曾遇一美婦人情愛甚篤顧身爲海軍指令官在軍艦中不能娶少婦也旣與婦人別歸艦矣將起錨訥爾遜徘徊艦上終不能制復上陸訪婦人中途遇其友達萍孫達萍孫問訥爾遜何往訥爾遜詳告以故達萍孫曰異哉子非愛名譽而富希望者歟奈何以一婦人故棄名譽與希望也且子不憚冒艱苦犯風濤至於今日豈非欲深其閱歷以圖報國乎今身爲軍人無故而爲兒女子之戀國家所賴爾父母所望爾者果如是乎訥爾遜聞達萍孫最後之二語心大感動奮然曰吾歸艦吾歸艦吾雖愛婦人終不如吾愛國家之深也吾今謝君矣因與達萍孫握手而返軍艦旣開滿帆孕風向故國而歸英雄之訥爾遜猶回首頻望陸地心念

少婦及達萍孫之言也。

輕名譽重財產庸人之思想大半如是。而當時海軍軍人亦人人具此思想也。訥爾遜既從某地歸。復受航行紐約之命。紐約者亞美利加地也。其地多金銀寶物。故英人到紐約者咸思得財。訥爾遜艦到紐約。謁其提督。提督語之曰。紐約多金子。來殊幸。可任意取之也。訥爾遜應曰。提督之言良是。提督若以吾爲好貲財而來也。則來紐約誠幸矣。雖然。西印度得名譽之地也。彼英雄之哥倫布。冒萬險以發此新大陸。證明地圓之說。吾乃爲愛金而來。何其陋歟。

批評

見熊而念及老父。至欲以廢槍之柄力擊猛獸。英雄之膽。孝子之心。一時都見。訥爾遜一生得力處在不肯卻步。觀其病困志餒時。忽憶父言。精神復振。英雄之不忘父訓。與其父之善於教育。均可效法。

勇足以擊海馬。搏巨熊。避毒蛇。而不能卻一戀愛之少婦。此時若無達萍孫之言。訥爾遜一生功名將爲一婦人所敗矣。然訥爾遜一聞達萍孫之言。便能警。

覺奮然歸艦。然則擊海馬。搏巨熊。避毒蛇。不足爲勇。惟其能納諫。能改過。斯真勇矣。

以西印度爲名譽之地。恥於取金。其心迹何等磊落。嗚呼。聞朋友之言。則美人不戀。至紐約之地。則黃金不取。可見要做英雄。必先從色不貪。財不好下手。

第四章 結婚

訥爾遜妻名黎蘇菲德。黎氏本爲一醫士妻。醫士死。乃嫁訥爾遜。年十八有一子。三歲矣。千七百八十七年。訥爾遜與黎蘇菲德行結婚式。是日賓



訥 爾 遜 之 結 婚

客大集。人人致祝詞。獨有一人。慷慨而言曰。諸君咸賀訥爾遜。吾今獨弔我英國海軍矣。凡爲軍人。決不可戀少婦。訥爾遜今娶少婦。不能不用其愛。愛少婦矣。又安能愛國家而爲海軍。盡其職乎。訥爾遜舉行婚禮。意氣甚得。及聞客言。大驚。急謝曰。客言良是。吾今當節吾之愛情。以傾注於我英國。不敢忘客之厚意矣。

惟英雄乃能多情。而惟英雄乃能善用其情。觀訥爾遜與其妻之書。則知其於一公一私之間。辨之甚明。斷不因愛美人。故而稍減其愛國之天性也。今錄其書如下。

訥爾遜致黎蘇菲德夫人書

黎蘇菲德夫人。自與夫人別後。吾無時不念夫人也。海軍之諺曰。鹹水足以洗軍人之愛情。斯言也。吾信其謬。吾每晨嘗以六盆鹹水。注我頭上。而吾愛之花。似藉鹹水之溉。而益燦發矣。且吾愛情之範圍極廣。吾嘗念我國家。日思盡對國之職。蓋吾身爲海員。一私人之利益。幸福。不能不爲國家之故而犧牲。故雖甚愛夫人。亦不敢少懈其對國之職務。今軍艦將返本國。吾苟公事已治。必能依一定之時刻。與君握手也。

批評

美人可愛。國家更可愛。今人但愛美人而不愛國家。所以把鬚眉之氣消磨都盡。

觀訥爾遜與其妻之書。句句言情。卻無兒女之態。今人只知妻子團聚爲一生幸福。故以當兵打仗爲最悲慘之事。訥爾遜當時若似此等卑劣思想。則英吉利今日安有世界海王之稱。惟其能犧牲個人之幸福。以圖國家之幸福。此訥爾遜所以爲英雄也。

第五章 意大利之赴援

疾風知勁草。亂世出英雄。嗚呼。以吾中國今日之多事。何以英雄猶未出也。訥爾遜從前雖爲海軍軍人。然其時天下無事。故終不得展其手腕。閑散沉寂之生涯。此英雄所最不耐者也。未幾而英法戰事起。於是英雄之訥爾遜乃乘時勢而上。戰爭之舞臺。

初。法國皇帝拿破崙有勇略。善用兵。欲以兵力征服諸國。屢興干戈。歐洲全境大受

擾害。

事見拿破崙傳

千七百九十三年。

乾隆五十八年

二月一日。法蘭西遂向英國宣戰。西班牙荷

蘭亦與法相聯合。法之兵力益厚。

時訥爾遜奉命入地中海。法兵占據巴司脚及加魯比二地。形勢極佳。海軍不便施礮。訥爾遜乃率一千二百名水兵。冒險上陸。圖先取巴司脚。巴司脚守兵數千。盡力抵禦。訥爾遜猛戰四十餘日。卒奪取之。

巴司脚既陷。訥爾遜移軍圍加魯比。加魯比守兵發巨礮。猛擊英軍。訥爾遜自爲前鋒。率隊衝之。戰正酣。一砲轟然墜地上。鐵片四飛。一片傷訥爾遜目。訥爾遜一手掩目。一手執刀。揮軍隊急進。衆見訥爾遜受傷。猶前進不止。心大感動。咸冒礮火。突前加魯比。守兵望而驚潰。

是役也。訥爾遜以孤軍深入敵境。四閱月。乃攻陷二地。燒棄敵艦十二艘。其地氣候極惡。兵士病死過半。訥爾遜一日受傷。旋即喪明。上官以是役死傷既多。曠時又久。不錄其功。負傷人名表中。亦不記訥爾遜傷目事。衆咸不平。或勸訥爾遜自白其事。訥爾遜笑曰。余生平固重名譽。雖然名譽者。非徒賴口舌之傳播也。故余之名譽不